

# ጳውሎሲ ቴሴሎንቄ አሳስ ፃፊዳ ናምዓንሶ ኪታ

## ጋሳ ቆፋ

ኪሪስቶስ ናምዓንሶ ዩሳ ቦላ ዴንዲዳ አይሾይ ፓላማ ሜዲሼ ቢዳ ጊሾ ቴሴሎንቄ ዎሳ ኬሳን ሜቶይ ዳሪ ዳሪ ቢስ። ጳውሎሲ ቴሴሎንቄ አሳስ ፃፊዳ ናምዓንሶ ኪታይ። «ጎዳ ዩሳ ጋላሳይ ማቲስ» ያጊያ አማኖ ቲሚርቲያ ቦላ ሚንሲዲ አዴስ። ጳውሎሲ አዲሼ። ኪሪስቶሲ ያናፔ ሲንሴ። «ጌላ ኡራ» ጌቱቲያ ኪሪስቶሳ ኢዪይሳ ካሌሱዋን ሃ አላሚያ ቦላ ኢታቴሲኔ ጌላቴሲ ዳሪሼ ባና ያጊዲ ኤንታ አማኑዋ ሱሪሴስ።

ሃዋሬይ። ሜቶይኔ ዋዬይ ዳሪኮካ ኤንቲ ባንታ አማኑዋን ሚናናዳ ኢኔ ኢያራ ኢሲፌ ዴዬይሳቲ አሴይሳዳ። ኤንቲ ባንታ ዱሳስ ኮሺያባ ዴማናው ሚኒዲ አሳና ሜላ ቃሲ ሎዖ አሶ አሳናው ጉዬ ጎና ሜላ ኤንታ ሚንሲዲ ዞሬስ።

2 ቴሴሎንቄ ኪታ አይፌ ቆፋታ

ጌሎ ቆፋ 1:1-2

ጋላታኔ ዎሳ 1:3-12

ኪሪስቶስ ናምዓንሶ ዩሳባ ኢሜቲዳ ቲሚርቲ 2:1-17

አማኖ ዱሳ ዎጋ ቦላ ኢሜቲዳ ዞሬ 3:1-15

ኩሻ ቆፋኔ ሳሮሶ 3:16-18

1 ጳውሎሲ። ሲላሴይኔ ዊሞቲዮሲ ቴሴሎንቄ ዎሳ ኬሳን ዴዲያ። ዎሳ አዋባኔ ጎዳ ዩሱስ ኪሪስቶሳባ ጊዲዳ አሳስ ፃፊዳ ኪታ።

2 ዎሳ ኑ አዋፔኔ ጎዳ ዩሱስ ኪሪስቶሳፔ አዶ ኬሃቴሳይኔ ሳርቴሳይ ሂንቴው ጊዶ።

ኪሪስቶሲ ያ ዎዴ ሃናና ፒርዳ

3 ኑ ኢሻቶ። ሂንቴ አማኖይኔ ሂንቴ ኢሶይ ኢሱዋኔ ሃራታ ሲቂያ ሲቆይ ዳሮ ዲጩያ ጊሾ ኑኔ ሄሳስ ዎሳ ኡባ ዎዴ ጋላታናው ቤሴስ። 4 ሂንቴና ጋኪዳ ጎዳኔኔ ዋዬ ኡባን ጌንጫኔኔ አማኖን ሚኒዲ ኤቂዳ ጊሾ ኑኔ ኑ ሁዔን ዎሳ ዎሳ ኬሳታን ሂንቴባ ማርካቲሼ ሂንቴናን ጩቁቶስ።

5 ሂንቴ ኢያ ጊሾ ጊዲ ሜቶ ኤኪያ ዎሳ ካዎቴሳስ ቤሴይሳታ ጊዲዲ ታይቤታና ሜላ ዎሳ ዊሎ ፒርዳስ ሃይሲ ማላ። 6 ዎሳይ ቱማ

1:1 ሃ.አ 17:1

ፐርዳ ፐርዳና። ያሳይ ሂንቴና ዋይሴይሳታ ቦላ ዋዬ ኤሃና።<sup>7</sup> ጎዳይ ዩሱሲ ባ ዎልቃማ ኪታንቾታራ፤ ታማ ላጮራ ሳሎፔ ያ ዎዴ ዋዬቲያ ሂንቴናኔ ኑና ሼምፒሳና።<sup>8</sup> ቃሲ ያሳይ ባና ኤሮናይሳታኔ ኑ ጎዳ ዩሱስ ኪሪስቶሳ ዎንጌላስ ኪቴቶናይሳታ ፐርዳና።<sup>9</sup> ኤንቲ ጎዳ ሲንሳፊኔ ኢያ ቦንቹዋ ዎልቃፊ ሻኬቲዲ ሜሪና ዳዩዋን ፐርዴታና።<sup>10</sup> ሄ ጋላስ፤ ኢ ባይሳታኒኔ ባና አማኔይሳታ ኡባን ቦንቹታንግጫ ሳቤታናው ያ ዎዴ ኑ ሂንቴው አዲዳ ኪታ ሂንቴ አማኒዳ ጊሾ ሂንቴ ኢያ ቦንቹይሳታ ጊዶኒኔ ሳቤይሳታ ጊዶን ዳና።

<sup>11</sup> ኑኒ ሂንቴው ኡባ ዎዴ ያሳ ዎሴይ ሄሳሳ። ኑ ያሳይ ሂንቴና ጌጊዳ ዴዑዋስ ቤሴይሳታ ጊዲዲ ታይቤታና ሜላ ኑኒ ዎሶስ። ሂንቴ ሎዶባ አሳናው አሞቲያ አሙዋኔ ሂንቴ አማና አሱዋ ኢ ባ ዎልቃን ፖሎ።<sup>12</sup> ሄሳን ኑ ያሳኔ ኑ ጎዳ ዩሱስ ኪሪስቶሳ አዶ ኬሃቴሳን፤ ጎዳ ዩሱሳ ሱንሳ ሂንቴ ቦንቻና፤ ሂንቴናካ ኢ ቦንቻና።

2

ጌላ ኡራ

<sup>1</sup> ኑ ኢሻቶ፤ ኑ ጎዳ ዩሱስ ኪሪስቶሳ ዩሳባኔ ኑ ኢያራ ጋሄታናው ሺቃናባስ ኑ ሂንቴና ዎሶስ።<sup>2</sup> ቲንቢቴን ዎይኮ ሃራ አሳፔ ሲዲዳ ቃላን ዎይኮ ኑፔ ኤኪዳ ኪታዳ አሲዲ፤ «ጎዳ ጋላሳይ ጋኪስ» ጊዲ ሂንቴ ዎዛናይ ዳጋዎፎኔ ዋባቆፖ።<sup>3</sup> ሂንቴና አኒካ አይ አጌንካ ባሌሶፎ። ካሴቲዲ ዉርሴሳ ኡራ ጌላቴሳይ ቆንጮናኔ ዳዩይ ቤሲያ ጌላ ኡራይ ዮና ዴዒሺን፤ ጎዳ ጋላሳይ ጋኪና።<sup>4</sup> አሲ ጎይኒያባኔ ያሳያባ ኡባ ኢ ኢፃናኔ ባና ዶቁ አሳና። ሃሪ አቶሺን፤ ያሳ ኬሲ ጌሊ ኡቲዲ፤ «ታኒ ዎሴ» ጋና።

<sup>5</sup> ታኒ ሂንቴራ ዴዓሽ ሂንቴው አዲዳይሳ አኪኪኪቲ? <sup>6</sup> ኢ ባ ጋላሳን ያናፔ አቲን ሃዲ ዮናዳ አይቢ ኢያ ቴቂያኮ ኤፊታ።

<sup>7</sup> አሳስ ቆንጨቦና ጌላቴሳ ፀራ ዎልቃይ ሃዲካ አሴስ፤ ሺን ሃዲ ኢያ ቴቂይሲ ዴዔስ። ኢያ ቴቂይሲ አጌፔ ኪቻና ጋካናው ኢ ቆንጨና።<sup>8</sup> ሄሳፌ ጉዩ፤ ጌላ ኡራይ ቆንጮና፤ ሺን ጎዳ ዩሱሲ ባ ዶናፔ ኬያ ሼምፕዋን ባ ቦንቾ ዩሳን ኢያ ዎዳና።<sup>9</sup> ጌላ ኡራይ ፃላሂያ ዎልቃን ዩዲ ዎርዶ ማላታታኔ ማላሊሲያባታ አሳና።<sup>10</sup> ሄሳዳካ፤ ዳዮስ ዴዒያ አሳታ ዱማ ዱማ ጨሚያ ኢታ አሶን ባሌሳና። ኤንቲ ዳዩዳይ አሺያ ቴማ ዶሲዲ ኤኮና ኢጊዳ ጊሾሳ።<sup>11</sup> ሄሳ ጊሾ፤ ኤንቲ ዎርዶ ጊዲያባ አማናና ሜላ ያሳይ

1:9 ኢሳ 2:10 2:4 ዳኔ 11:36፤ ሂዝ 28:2 2:8 ኢሳ 11:4 2:9 ማቶ 24:24

ዎልቃማ ባሌሶ ኤንታ ቦላ ዩዳና። 12 ሄሲካ፥ ቱማ አማኖና አሳቲ፥ ናጋራ አሶን ኡፋይቴሳቲ ኡባይ ፐርዴታና ሜላሳ።

**አቶቴሳስ ዶሬቲዳ አሳታ**

13 ጎዳይ ዶሲያ ኑ ኢሻቶ፥ ኑኒ ያሳ ሂንቴ ጊሾ ኡባ ዎዴ ጋላታናው ቤሴስ። ሂንቴ አታና ሜላ ያሳይ ጊሻ አያና ዎልቃን ሂንቴና ጊሼዳይሳኔ ሂንቴካ ቱማ አማኒዳይሳን ኢ ሂንቴና ባይራዳ ዶሪስ። 14 ያሳይ፥ ኑ ሂንቴው ኦዲዳ ዎንጌላ ባጋራ ሂንቴና ዩጊዳይ፥ ሂንቴ ኑ ጎዳ ዩሱስ ኪሪስቶሳራ ኢሲፌ ቦንቼታናሳ። 15 ሂዛ፥ ኑ ኢሻቶ፥ ሚኒዲ ኤቂቴ። ኑኒ ሂንቴና ኑ ዶናን ጊዲን ዎይኮ ዳብዳቢያን ጊዲን ታማርሲዳ ቲሚርቲያ አይኪቴ።

16-17 ያሳይ ኑ አዋይ ኑና ዶሴስ። ኢ ኑስ ኬሃ፤ ኢ ሜሪና ሚንሴሶኔ ሎዎ ኡፋይሳ ኑስ ኢሚስ። ሂንቴ ኡባ ዎዴ ሎዎባ አሳናውኔ አዴታናው ኢ ሚንሴሳና ሜላኔ ማዳና ሜላ ኑ ጎዳ ዩሱስ ኪሪስቶሳኔ ያሳ ኑ አዋ ዎሶስ።

3

**ኑስ ዎሲቴ**

1 ወርሴሳን ኑ ኢሻቶ፥ ጎዳ ቃላይ ሂንቴ ጊዶን ኤሴሲዲ ዳልጋናዳኔ ቦንቼታናዳ ኑስ ዎሲቴ። 2 ሄሳዳካ፥ አሲ ኡባይ ቃላ ሲዲዲ አማኖና ጊሾ ያሳይ ጌላታፔኔ ኢታ አሳታፔ ኑና አሻና ሜላ ኑስ ዎሲቴ።

3 ሺን ጎዳይ አማኔቲዳይሳ፤ ኢ ሂንቴና ሚንሴሳናኔ ባላሄፔ ናጋና። 4 ኑኒ ሂንቴና ኪቴይሳ ሃዲካ ሲንሳፌካ ሂንቴ አሳናይሳስ ጎዳን ኑኒ አማኔቶስ።

5 ጎዳይ ሂንቴ ዎዛና ያሳ ሲቁዋኮኔ ኪሪስቶሳ ዳንዳዓኮ ካሌሶ።

**አሶ ቢሎና ዴዲቴ**

6 ኑ ኢሻቶ፥ ሂንቴ ኑፔ ኤኪዳ ኪታ ካሎናይሳታፔኔ አሶ ቢሊያ አዛላ አማኒያ አሳታፔ ሂንቴ ሻኬታናዳ ጎዳ ዩሱስ ኪሪስቶሳ ሱንሳን ሂንቴና ኪቶስ። 7 ኑዳ ሃኒዲ ዳናው ቤሴይሳ ሂንቴ፥ ሂንቴ ሁዔን ኤሬታ። ኑኒ ሂንቴራ ዴዲያ ዎዴ አሶ ቢሊቦኮ።

8 ኑኒ አዴፌካ ካሲ ሜላ ሚቦኮ። ኑስ ዳንዳዔቲዳ ሜላ ቃማኔ ጋላስ አሲ ዳቡሪዲ ዴዲዳፔ አቲን አዴስካ ቶዎ ጊዲቦኮ። 9 ኑኒ ሄሳ አሲዳይ፥ ሂንቴው ሌሚሶ ጊዳናሳፌ አቲን ሂንቴፌ ማዴ አይቻናው ኑስ ማቲ ዳዩና ጊዴና። 10 ኑ ሂንቴራ ዴዲያ ዎዴካ፥ «አሳናው ኮዮና አሲ አኒካ ሞፖ» ያጊዲ ኪቲዳ።

11 ኑኒ ሄሳ ጊዳይ፥ ሂንቴ ጊዶን ኢሲ ኢሲ አዛላቲ ዴዴይሳ ሲዲዳ ጊሻሳ። ሄ አሳቲ ጌልሶናባን ጌሊዲ ሃራታ አሶ ቢሊሶሶናፔ አቲን አይኮካ አሶኮና። 12 ኑኒ ሄሳ ሜላ አሳቲ ማራ ዴዎ ዳናዳኔ

ባንታና ኮሺያባ አሲዲ ደማናዳ ጎዳ ዩሱስ ኪሪስቶሳ ሱንላን ኤንታ ኪቶሲኔ ዞሮስ።

<sup>13</sup> ሺን ኑ ኢሻቶ፥ ሎዖ አሶ አሳናው አዛሎፊቴ። <sup>14</sup> ሃዲ ኑኒ ሃ ዳብዳቢያን ኪቲዳ ኪታስ ኪቱቶና አሲ አኒካ ደዔኮ ሄ አራ ኤሪቴ። ኢ ዩላታና ሜላ ኢያፔ ሻኬቲቴ። <sup>15</sup> ሺን ኢያ ኢሻዳ ሴሪቴፔ አቲን ሞርኬዳ ዪሎፊቴ።

**ዉርሴሳ ሳሮታ**

<sup>16</sup> ሳሮ ኢሚያ ጎዳይ፥ ባ ሁዔን ሂንቴው ኡባ ዎዴኔ ኡባ ባጋራ ሳሮ ኢሞ። ጎዳይ ሂንቴ ኡባራ ጊዶ።

<sup>17</sup> ታኒ ጳዉሎሲ፥ ሃ ኪታ ታ ኩሺን ፃፋስ። ታ ኪታ ኡባስ ማላይ ሃይሳ፤ ታኒ ሄሳዳ ፃፋይስ።

<sup>18</sup> ኑ ጎዳ ዩሱስ ኪሪስቶሳ አዶ ኬሃቴሳይ ሂንቴ ኡባራ ጊዶ።

አራሳ ጫቁዋ ጎፋሳ  
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

### Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

---

